

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

DARIPADA : DATO' MANSOR OTHMAN [NIBONG TEBAL]

SOALAN NO. 261

DATO' MANSOR OTHMAN [NIBONG TEBAL] minta **MENTERI KEWANGAN** menyatakan kedudukan keberhutangan setiap Kerajaan Negeri kepada Kerajaan Persekutuan setakat ini dan perancangan Kementerian untuk membantu Kerajaan Negeri menyelesaikan masalah hutang mereka.

JAWAPAN

Yang di-Pertua,

1. Untuk maklumat Ahli Yang Berhormat, keseluruhan baki pinjaman belum selesai Kerajaan Negeri sehingga 28 Februari 2019 adalah sebanyak RM16.87 bilion dan mengikut negeri adalah seperti berikut:

Negeri	Jumlah (RM Juta)
Pahang	3,074.29
Sabah	2,794.29
Kedah	2,570.38
Sarawak	2,329.22
Kelantan	1,427.24
Selangor	1,104.21
Melaka	971.08
Negeri Sembilan	943.74
Terengganu	714.07
Perlis	388.84
Perak	307.39
Johor	186.42
Pulau Pinang	57.83
Jumlah	16,869.00

Sumber : Jabatan Akauntan Negara Malaysia

SOALAN NO : 261

2. Kementerian bersedia membantu Kerajaan Negeri menyelesaikan hutang kepada Kerajaan Persekutuan melalui kaedah-kaedah seperti penjadualan semula pinjaman berdasarkan kedudukan kewangan Kerajaan Negeri, menerima bayaran balik pinjaman secara bukan tunai (*payment-in-kind*) dan potongan pemberian geran tahunan bagi tujuan bayaran balik pinjaman Kerajaan Persekutuan.

3. Selain itu, Kerajaan Persekutuan melalui Mesyuarat Majlis Kewangan Negara dan Mesyuarat Pegawai Kewangan Negeri sentiasa memantau pengurusan kewangan setiap negeri dengan menggalakkan penjimatan perbelanjaan dan mengenal pasti usaha-usaha meningkatkan hasil negeri.